



Landbrukskontoret for Austrheim, Fedje og Radøy

Mads Martinussen

Referansar:
Dykkar:
Vår: 17/260 - 17/4360

Saksbehandlar:
Andreas Granli
Andreas.Granli@radoy.kommune.no

Dato:
03.04.2017

Landbrukssak Toska - Skadefelling av gås - Vedtak

Viser til din søknad om felling av grågås som gjer skade, mottatt 31. mars 2017.

Det er søkt om å ta ut 25 kanadagås og 22 grågås på Toska i Radøy kommune. Gardbrukarane Frank Kvammen, Arve Skjellanger og Jan Ove Toska har kontakta Toska jaktvald og ytra ynskje om at valdet skal handtere søknad og eventuell skadefelling. Mads Martinussen søker om skadefelling på vegne av grunneigarane/gardbrukarane.

Dei seinare åra har vi sett ei auke i bestanda av grågås i vårt område. I dag er jakttida på grågås satt til 10.08 – 23.12. Jakttida samsvarar ikkje med perioden skadepotensialet er størst og skadefelling er i nokre tilfelle nødvendig for å begrense skade på slåttemark og beite. Skadefelling er eit unntak frå viltlova og fredningsprinsippet for å hindre eller begrense avlingstap, og skal ikkje brukast som bestandsregulerande verkemiddel.

Søknaden skal handsamast etter Forskrift om felling av viltarter som gjer skade eller som vesentlig reduserer andre viltarters reproduksjon FOR 1997-09-01 nr 1000.

Det er eit krav at skaden er skjedd før ein kan gje løyve til skadefelling. Det er et kjent problem med gås i heile Nrdhordland og sidan gåsa startar beite på slåttemarka så tidleg, risikerer ein større skade på enga. I tillegg til redusert avling vil det vere eit større problem at gåsa skit i avlinga og øydelegg eller reduserar kvaliteta på foret. Det har vore fleire artiklar om kor store tap gjess har på avlinga, og kva tap dette utgjør for bonden. Etter forskrifta skal det vera eit vesentleg økonomisk tap før ein kan gje løyve til skadefelling. Det er drift på eigedommane og eit avlingstap og redusert forkvalitet utgjør eit vesentleg økonomisk tap for drifta.

Det er krav om at det skal vera brukt andre metodar for å få bukt med problemet før ein skal gje skadefellingsløyve. Det er freista med vanlege skremmetiltak utan at det fungerer, gåsa forsvinn ein kort periode, men kjem raskt attende.

Skadefelling er ikkje ei god løysing på det aukande problemet med gås i regionen, Felles landbrukskontor har difor ein forvaltningsplan for gås under utarbeiding.

Vedtak:

Landbrukskontoret gjev Toska jaktvald løyve til å ta ut totalt 10. kanadagås og 5 grågås på innmarka på Toska. Avtale med grunneigar er eit krav for at skadefelling skal kunne gjennomførast. Det skal ikkje skytast meir enn 2 fuglar i døgnet. Det skal takast ut ungfuglar eller ikkjehekkande individ då det er dei som gjer mest skade. Det skal prioriterast å ta ut skadegjerande individ der skadane er størst. Løyvet gjeld fram til 12. april 2017.

Rapport på fellingsresultat skal sendast landbrukskontoret så snart som mogleg og innan 20. april 2017.

Klage:

Vedtaket er eit enkeltvedtak etter reglane i Lov om offentleg forvaltning. Vedtaket kan klagast på til kommunen, jf §§ 28-36. Klagefristen er 3 veker frå den dato du vart gjort kjent med vedtaket. Det er nok at klagen er postlagt innan fristen går ut. Klagen skal sendast skriftleg til kommunen. I klagen skal det gå fram kva du klagar på i vedtaket, og kva endringar du som part ynskjer. Klagen skal grunngjevast.

Det kan ikkje reisast søksmål om gyldigheita av vedtaket eller krav om erstatning som følgje av vedtaket utan at moglegheita til å klage over vedtaket er nytta, jf forvaltningslova § 27b

Med helsing

Andreas Granli
rådgjevar landbruk

Dette dokumentet er elektronisk godkjent og har difor ingen signatur.

Mottakarar:

Mads Martinussen